

# ხელშეკრულება სადაზღვევო მომსახურების შესახებ # 1849/16

ქ. თბილისი

CPV 66500000

თარიღი: 01.09.2016

სს "სადაზღვევო კომპანია ჯიპიაი ჰოლდინგი" (მისამართი: კოსტავას 67, თბილისი, საქართველო; საიდენტიფიკაციო კოდი: 204426674), გენერალური დირექტორის პაატა ლომაძისა და ფინანსური დირექტორის ლევან ზუროშვილის სახით, (შემდგომში "მზღვეველი"), ერთის მხრივ, და სსიპ კაკელიძის სახელობის ხელნაწერთა ეროვნული ცენტრის (მისამართი: ქ. თბილისი საბურთალოს რაიონში გალექსიძის 1/3, საიდენტიფიკაციო კოდი: 211368474), მისი დირექტორი ზაალ აბაშიძის სახით, (შემდგომში "დამზღვევი"), მეორეს მხრივ, ვდებთ წინამდებარე ხელშეკრულებას შემდეგზე:

**1. ტერმინთა განმარტებები:**

- ქვემოთ მოცემული ყოველი განსაზღვრება ინარჩუნებს აღნიშნულ მნიშვნელობას ამ დოკუმენტის ნებისმიერ ნაწილში:
- 1.1. "მოსარგებლე" – სადაზღვევო პოლისში მითითებული პირი, რომელიც უფლებამოსილია მიიღოს სადაზღვევო ანაზღაურება დაზღვევის ხელშეკრულების საფუძველზე;
  - 1.2. სადაზღვევო პოლისი (პოლისი) - დაზღვევის დამადასტურებელი დოკუმენტი, რომელიც „დამზღვევს“, მისი მიღების შემდგომ, აძლევს უფლებას სადაზღვევო შემთხვევის დადგომისას მოითხოვოს სადაზღვევო ანაზღაურება, წინამდებარე ხელშეკრულებით გათვალისწინებული პირობებით;
  - 1.3. სადაზღვევო შემთხვევა – წინამდებარე ხელშეკრულებით გათვალისწინებული შემთხვევა, რომელიც წარმოადგენს სადაზღვევო ანაზღაურების გაცემის საფუძველს;
  - 1.4. სადაზღვევო პერიოდი – პერიოდი, რომლის განმავლობაშიც დაზღვევა არის ძალაში;
  - 1.5. სადაზღვევო თანხა – პოლისში მითითებული ანაზღაურების მაქსიმალური ლიმიტი, რომლის ფარგლებშიც "მზღვეველი" კისრულობს ვალდებულებას აანაზღაუროს ზარალი;
  - 1.6. სადაზღვევო პრემია (პრემია) – "დამზღვევის" მიერ გადასახდელი პოლისის ღირებულება;
  - 1.7. გამომუშავებული პრემია – პრემიის ის ნაწილი, რომელიც შეესაბამება დაზღვევის დაწყებიდან კონკრეტულ თარიღამდე პერიოდის შეფარდებას საწყის სადაზღვევო პერიოდთან;

**2. ხელშეკრულების საგანი**

- 2.1. წინამდებარე ხელშეკრულების საგანს წარმოადგენს "მზღვეველის" თანხმობა "დამზღვევის" მიერ პრემიის სრულად ან პირველი შენატანის გადახდისა და პოლისში შეთანხმებული გადახდის გრაფიკის დაცვის სანაცვლოდ, გაუწიოს „დამზღვევს“, მის მიერ მიღებული სადაზღვევო წესების „დაზღვევის პირობების“, წინამდებარე ხელშეკრულებისა და საქართველოს კანონმდებლობის შესაბამისად, ქონებრივი/პასუხისმგებლობის ინტერესის დასაცავად სადაზღვევო მომსახურება;
- 2.2. წინამდებარე ხელშეკრულების საფუძველზე განხორციელებული ნებისმიერი ცალკეული, სადაზღვევო მომსახურების პირობები მოცემული იქნება „მზღვეველის“ მიერ გაცემულ პოლისში, რომელიც "დაზღვევის პირობებთან" და წინამდებარე ხელშეკრულებასთან ერთად არეგულირებს დაზღვევის ცალკეულ ობიექტებთან დაკავშირებულ მხარეთა ურთიერთობას. ამასთანავე პოლისი წარმოადგენს განხორციელებული დაზღვევის დამადასტურებელ დოკუმენტს, რომელიც "დამზღვევს" მისი მიღების შემდგომ აძლევს უფლებას სადაზღვევო შემთხვევების დადგომისას მოითხოვოს სადაზღვევო ანაზღაურება;
- 2.3. დაზღვევის საგანი, დაზღვეული პირის ვინაობა, სადაზღვევო რისკი, დაზღვევის დასაწყისი და მისი ხანგრძლივობა, სადაზღვევო თანხის და პრემიის ოდენობა (მისი გადახდის პირობების ჩათვლით) განისაზღვრება უშუალოდ მხარეთა მიერ პოლისის და წინამდებარე ხელშეკრულების მეშვეობით;
- 2.4. ხელშეკრულებით გათვალისწინებული მომსახურება გულისხმობს ნებაყოფლობითი საავტომობილო, ..., ..., ... დაზღვევის განხორციელებას. მითითებულ სახეობა(ებ)ში მხარეებს შორის განხორციელებული ყველა დაზღვევა რეგულირდება წინამდებარე ხელშეკრულებით;
- 2.5. სადაზღვევო მომსახურების ღირებულება და დაზღვევის სხვა პირობები წინამდებარე ხელშეკრულებით განსაზღვრული სადაზღვევო მომსახურებებისათვის არის შემდეგი:

| დაზღვევის სახეობა                            | დაფარული რისკები  | დაზღვევის ღირებულება (01.09.2019-31.12.2016) | ფრანშიზა | დამატებითი პირობები  |
|--|---|--|----------|--|
| საავტომობილო დაზღვევა 6654110<br>66500000    | ძარის დაზღვევა - "პოლისი ავტო კლასიკი - სრული დაფარვით" | ჯამური ღირებულება 250 ლარი ...               | 0%       | ტარიფი მოიცავს ორი მსუბუქი ავტომობილის დაზღვევას დამატებითი დაფარვის ჩათვლით                       |
| საავტომობილო დაზღვევა<br>66500000<br>6654110 | მესამე პირთა წინაშე პასუხისმგებლობის დაზღვევა           | ჯამური ღირებულება 122 ლარი ...               | 0%       | ტარიფი მოიცავს ორი მსუბუქი ავტომობილის დაზღვევას, წლიური ლიმიტი 23 000 ლარი (ერთი ავტომობილისთვის) |
| ...  | ...   | ...  | ...      | ...  |
| ...  | ...   | ...  | ...      | ...  |
| ...  | ...   | ...  | ...      | ...  |

შენიშვნები: გაჩერებული ავტომობილის დაუდგენელ ვითარებაში დაუდგენელი პირის მიერ დაზიანების შემთხვევაში ფრანშიზა შეადგენს 1%-ს სადაზღვევო თანხიდან, მინ 115 ლარი, მაქს 345 ლარი. ტარიფი გათვალისწინებულია ორი ავტომობილისათვის: SKODA OCTAVIA 1.6CLX101PS (საინდეფიკაციო კოდი: TMBDB41Z682141283) საბაზრო ღირებულება 6000 ლარი, HONDA JAZZ (საიდენტიფიკაციო

2.6. "დაზღვევის პირობები" - 2.5 პუნქტში მითითებული სადაზღვევო მომსახურების სახეობ(ებ)ისათვის თან ერთვის წინამდებარე ხელშეკრულებას და წარმოადგენს მის განუყოფელ ნაწილს: საავტომობილო დაზღვევის პირობები, ..., ..., ...

**3. ხელშეკრულების მოქმედების ვადა, მისი ძალაში შესვლისა და შეწყვეტის პირობები**

- 3.1. წინამდებარე ხელშეკრულება ძალაში შედის მხარეთა მიერ ხელმოწერისთანავე და მოქმედებს 31.12.2016 ჩათვლით. მხარეებს ევრძალვებათ ხელშეკრულებით პირდაპირი გათვალისწინებული შემთხვევების გარდა მოშალონ ან შეწყვიტონ წინამდებარე ხელშეკრულება;
- 3.2. "დამზღვევის" მიერ წინამდებარე ხელშეკრულების და/ან მის საფუძველზე გაფორმებული ნებისმიერი პოლისის ვადამდე შეწყვეტის შემთხვევაში, "დამზღვევი" ვალდებულია წერილობით შეატყობინოს "მზღვეველს" ხელშეკრულების მოშლის ან პოლისის გაუქმების შესახებ 10 (ათი) კალენდარული დღით ადრე და გადაიხადოს დაზღვევის შეწყვეტის მომენტისათვის გამომუშავებული პრემიის ორმაგი ოდენობა თითოეული პოლისის მიხედვით (მაგრამ არა უმეტეს ჯამური პრემიის). აღნიშნული პირობა მოქმედებს იმ შემთხვევაში თუ წინამდებარე ხელშეკრულების საფუძველზე გაცემული პოლის(ებ)ის "დამზღვევის" მიერ ვადამდე შეწყვეტის შედეგად შემცირდება შეწყვეტის მომენტისთვის მოქმედი პოლისებით განსაზღვრული სადაზღვევო თანხის 25%-ზე მეტით, ან იმ შემთხვევაში თუ გაუქმდა წინამდებარე ხელშეკრულება;
- 3.3. "დამზღვევის" მიერ პრემიის გადაუხდელობის გამო "მზღვეველის" მხრიდან ხელშეკრულების ან პოლისის ვადაზე ადრე შეწყვეტისას "დამზღვევი" ვალდებულია გადაიხადოს დაზღვევის შეწყვეტის მომენტისათვის გამომუშავებული პრემიის ორმაგი ოდენობა თითოეული პოლისის მიხედვით (მაგრამ არა უმეტეს ჯამური პრემიის);
- 3.4. 3.2. და 3.3. პუნქტებით გათვალისწინებულ შემთხვევებში პირობა, პრემიის ოდენობის გადაანგარიშების შესახებ, მოქმედებს "მზღვეველის" მხრიდან წერილობითი შეტყობინების შემთხვევაში;
- 3.5. "მზღვეველი" უფლებამოსილია:
  - 3.5.1. თუ დაირღვა პრემიის გადახდის ვალდებულება (პრემია და/ან მისი ნაწილი დროულად ან დადგენილი ოდენობით არ იქნა გადახდილი), "მზღვეველი" დამატებითი წერილობითი შეტყობინების გარეშე, 2 (ორი) კვირიანი ვადის გასვლის შემდგომ თავისუფლდება ხელშეკრულებით ნაკისრი მოვალეობის შესრულებისაგან. გადახდის გრაფიკის აღდგენის და პირგასამტეხლოს გადახდის შემდეგ, მხარეთა ურთიერთობა გაგრძელდება წინამდებარე ხელშეკრულების მიხედვით, თუმცა ამავე დროს "მზღვეველი" არ იქნება პასუხისმგებელი მხარეთა ურთიერთობის აღდგენამდე მომხდარი სადაზღვევო შემთხვევების შედეგად წარმოშობილი ზარალის ანაზღაურებაზე;
  - 3.5.2. "მზღვეველი" უფლებამოსილია მოშალოს ხელშეკრულება იმ შემთხვევაში თუ ინფორმაცია, რომელიც მას დაზღვევის ხელშეკრულების დადებისას მიეწოდა, შეიცავს არასწორ მონაცემებს და/ან ინფორმაციის შეუტყობინებლობის შემთხვევაში. ასეთ შემთხვევაში ხელშეკრულების მოშლა შესაძლებელია სადაზღვევო შემთხვევის დადგომის შემდეგაც, იმ შემთხვევაში თუ გარემოებამ, რომლის შესახებაც დაირღვა ინფორმაციის შეტყობინების ვალდებულება, გავლენა მოახდინა სადაზღვევო შემთხვევის დადგომაზე და "მზღვეველის" მოვალეობის შესრულებაზე, მაშინ "მზღვეველი" თავისუფლდება ნაკისრი მოვალეობის შესრულებისაგან;
  - 3.5.3. მოშალოს ხელშეკრულება 1 (ერთი) თვიანი ვადის დაცვით საფრთხის გაზრდის შესახებ ინფორმაციის შეტყობინების მიღების შემთხვევაში. ვადის დაცვა აუცილებელი არ არის თუ "დამზღვევმა" საფრთხე განზრახ გამოიწვია;
- 3.6. მხარეებს უნდა ევნობოთ ხელშეკრულების მოშლის შესახებ წერილობით;
- 3.7. წინამდებარე ხელშეკრულების მოქმედების ვადა ავტომატურად გაგრძელდება იგივე პერიოდით, იმ შემთხვევაში, თუ რომელიმე მხარემ წერილობით არ განაცხადა მისი შეწყვეტის სურვილი, ხელშეკრულების ვადის გასვლამდე 1 (ერთი) თვით ადრე.

**4. სადაზღვევო პრემია, მისი გადახდის წესი და პირობები**

- 4.1. პრემიის ოდენობა და მისი გადახდის წესი განისაზღვრება წინამდებარე ხელშეკრულების საფუძველზე გაცემული პოლის(ებ)ისა და/ან წინამდებარე ხელშეკრულების მეშვეობით; პრემიის გადახდა ხდება შემდეგი გრაფიკის მიხედვით: ერთჯერადი. ამასთან, განვადებით გადახდის შემთხვევაში, პრემიის პირველი შენატანის გადახდა უნდა განხორციელდეს არა-უგვიანეს 01.09.2016-ის, ხოლო შემდგომი გადახდები ყოველი თვის არა-უგვიანეს 01 რიცხვის.
- 4.2. პრემიის გადახდა უნდა მოხდეს ლარით, გადახდის დღისათვის ეროვნული ბანკის მიერ დადგენილი გაცვლითი კურსის მიხედვით;
- 4.3. "დამზღვევი" ვალდებულია ანგარიშსწორება მოახდინოს პოლისებით განსაზღვრული გრაფიკის მიხედვით, ყოველგვარი დამატებითი შეტყობინებისა და ინვოისის წარდგენის გარეშე, ამასთანავე "მზღვეველის" მიერ ინვოისის წარუდგენლობა არ ათავისუფლებს "დამზღვევს" თანხის გადახდის მოვალეობისაგან;
- 4.4. პრემიის ოდენობა ლარში უნდა განისაზღვროს შემდეგი წესით: ლარის გადახდილი ოდენობა უნდა იყოს იმდენი, რამდენიც აუცილებელი იქნება დოლარში / ევროში გამოხატული პრემიის თანხის საქართველოს ეროვნული ბანკის კურსით (შესაბამისი გადახდის დღისთვის) შესაძენად;
- 4.5. თუ თანხის გადახდის დღე დაემთხვა არასამუშაო ან საქართველოში გამოცხადებულ უქმე დღეს, შესაბამისი დღის ნაცვლად გამოიყენება მომდევნო სამუშაო დღე;
- 4.6. პრემიის გადახდა მოხდება ნაღდი ან უნაღდო ანგარიშსწორებით "დამზღვევის" არჩევანის შესაბამისად. ნაღდი ანგარიშსწორების შემთხვევაში პრემიის (ნაწილის) გადახდა დასტურდება საქართველოს კანონმდებლობით დადგენილი წესით. უნაღდო ანგარიშსწორების შემთხვევაში თანხა გადახდილად იქნება მიჩნეული მისი "მზღვეველის" ანგარიშზე ფაქტობრივად ჩარიცხვის შემდეგ;
- 4.7. პრემიის სრულად ან პირველი შენატანის გადახდამდე ან გადახდის გრაფიკის დარღვევის შემთხვევაში "მზღვეველი" თავისუფლდება ხელშეკრულებით გათვალისწინებული ნაკისრი ვალდებულებების შესრულებისაგან, რაც ამავე დროს არ ათავისუფლებს "დამზღვევს" წინამდებარე ხელშეკრულებით გათვალისწინებული ვალდებულებების შესრულებისაგან.

**5. მხარეთა უფლებები და მოვალეობები**

- 5.1. "მზღვეველი" ვალდებულია:
  - 5.1.1. უზრუნველყოს "დამზღვევისათვის" ყველა იმ დოკუმენტის გადაცემა (განაცხადები, დაზღვევის პირობები და პოლისები), რომლებიც საჭიროა დაზღვევის გაფორმებისათვის;
  - 5.1.2. "დამზღვევის" მიერ ხელშეკრულებაში მითითებული გრაფიკის შესაბამისად გადახდილი პრემიის საფუძველზე სადაზღვევო შემთხვევის

*გ. ნაძოვი*  
"დამზღვევი"

- დადგომისა და ანაზღაურების ოდენობის განსაზღვრის შემდეგ აუნაზღაუროს „დამზღვევეს“ (ან „მოსარგებლეს“) ზარალი წინამდებარე ხელშეკრულების დანართ(ებ)ში მოცემული „დაზღვევის პირობების“ შესაბამისად;
- 5.1.3. არ გაახმაუროს „დამზღვევთან“ საქმიანი ურთიერთობების შედეგად მოპოვებული ინფორმაცია, გარდა საქართველოს კანონმდებლობით გათვალისწინებული შემთხვევებისა;
- 5.1.4. უზრუნველყოს და პერმანენტულად გააკონტროლოს სადაზღვევო მომსახურების ხარისხი;
- 5.2. „მზღვეველი“ უფლებამოსილია:
- 5.2.1. „დამზღვევის“ მხრიდან ხელშეკრულების პირობებისა და პრემიის გადახდის გრაფიკის დარღვევის შემთხვევაში შეწყვიტოს დაზღვევის ხელშეკრულება;
- 5.2.2. არ გასცეს ან სრულად არ გასცეს სადაზღვევო ანაზღაურება „დამზღვევის“ მიერ წინამდებარე ხელშეკრულების პირობების დარღვევის შემთხვევაში;
- 5.2.3. „დამზღვევის“ მიერ პრემიის გადახდის გრაფიკის დარღვევის შემთხვევაში წერილობით მოითხოვოს „დამზღვევისაგან“ პირგასამტეხლოს გადახდა დავალიანებული პრემიის 0.20%-ს ოდენობით თითოეული ვადაგადაცილებული დღისათვის; პირგასამტეხლოს დარიცხვა/ათვლა დაიწყება წერილობით შეტყობინებაში მითითებული თარიღიდან. ამასთანავე პირგასამტეხლო გადაიხდება დამატებით, პრემიის გადახდის ვალდებულების მიუხედავად, რომლის გადახდაც არ ათავისუფლებს „დამზღვევს“ ნაკისრი ძირითადი ფულადი ვალდებულების შესრულებისაგან;
- 5.2.4. არ აანაზღაუროს სადაზღვევო შემთხვევით დამდგარი ზარალი „დამზღვევის“ მიერ სადაზღვევო შემთხვევის გაყალბების აღმოჩენის შემთხვევაში. ასეთი დარღვევის აღმოჩენის შემთხვევაში „მზღვეველი“ უფლებამოსილია დააჯარიმოს „დამზღვევი“ 5'000 (ხუთი ათასი) ლარის ოდენობით;
- 5.2.5. მოითხოვოს პრემიის გაზრდა 5.3.3. პუნქტის მიხედვით რისკის ცვლილების (განაცხადში მითითებული პარამეტრების) შესაბამისად;
- 5.2.6. სადაზღვევო შემთხვევის დადგომის შემდეგ მოსთხოვოს „დამზღვევს“ ყოველგვარი ცნობა, რომელიც აუცილებელია სადაზღვევო შემთხვევის დასადგენად და/ან სადაზღვევო ანაზღაურების მოცულობის განსაზღვრად;
- 5.2.7. უარი თქვას ანაზღაურების მოვალეობის შესრულებაზე თუკი „დამზღვევი“ დაარღვევს ქონების გასხვისების შეტყობინების ვალდებულებას;
- 5.2.8. მოითხოვოს „დამზღვევისაგან“ წინამდებარე ხელშეკრულებით და „დაზღვევის პირობებით“ დაკისრებული ვალდებულებების სრულად შესრულება;
- 5.3. „დამზღვევი“ ვალდებულია:
- 5.3.1. გადაიხადოს პრემია ხელშეკრულებაში და/ან პოლისში მოცემული პირობებისა და ვადების დაცვით;
- 5.3.2. პოლისის მიღებამდე გააცნოს „მზღვეველს“ ყველა მისთვის ცნობილი გარემოება, რომელსაც არსებითი მნიშვნელობა აქვს საფრთხის ან სადაზღვევო შემთხვევის დადგომისათვის;
- 5.3.3. პოლისის მოქმედების პერიოდში დაუყოვნებლივ შეატყობინოს „მზღვეველს“ ყველა იმ ცვლილების შესახებ, რომელიც ზრდის დაზღვეული რისკის ზომას ან ხარისხს და რომელიც აღმოეცნა დაზღვევის ძალაში შესვლის შემდგომ (არსებითი გარემოებები, რომელიც აღმოეცნა დაზღვევის ხელშეკრულების დადების შემდეგ);
- 5.3.4. „დამზღვევი“ ვალდებულია სადაზღვევო შემთხვევის დადგომისას შეძლებისდაგვარად თავიდან აიცილოს და/ან შეამციროს ზიანი და ამასთან დაკავშირებით შეასრულოს „მზღვეველის“ მითითებები (ასეთის არსებობის შემთხვევაში);
- 5.3.5. ხელი შეუწყოს „მზღვეველს“ მიერ სადაზღვევო შემთხვევასთან და მის შედეგებთან დაკავშირებული ინფორმაციის მოკვლევა-მოძიებას;
- 5.3.6. გადასცეს „მზღვეველს“ ყველა აუცილებელი დოკუმენტი, რომელიც დაადასტურებს „დამზღვევის“ მიერ „მზღვეველისათვის“ მესამე პირის მიმართ ზიანის ანაზღაურების თაობაზე მოთხოვნის გადაცემის ფაქტს;
- 5.3.7. „დამზღვევი“ ვალდებულია შეატყობინოს მესამე პირს თავისი განზრახვა დააზღვიოს მისი ქონება ან მასთან დაკავშირებული ინტერესი, დაზღვევის ობიექტის ზუსტი მითითებით და ასევე შეატყობინოს დაზღვეულს დაზღვევით გათვალისწინებული ვალდებულებების შესახებ. ქონების დაზღვევისას დაზღვეულს, რომელიც არ არის „დამზღვევი“, უნდა ჰქონდეს ამ ქონების შენარჩუნების ინტერესი;
- 5.3.8. სადაზღვევო მომსახურების კოორდინაციისა და ხარისხის მუდმივი კონტროლის მიზნით გამოყოს „მზღვეველთან“ საკონტაქტო პირი;
- 5.3.9. დაზღვეულის სასარგებლოდ ხელშეკრულების დადება არ ათავისუფლებს „დამზღვევს“ წინამდებარე ხელშეკრულებით ნაკისრი ვალდებულებების შესრულებისაგან;
- 5.4. „დამზღვევი“ უფლებამოსილია:
- 5.4.1. მოითხოვოს „მზღვეველისაგან“ წინამდებარე ხელშეკრულებით და „დაზღვევის პირობებით“ დაკისრებული ვალდებულებების სრულად შესრულება;
- 5.4.2. „მზღვეველის“ მიერ „დაზღვევის პირობებით“ ნაკისრი სადაზღვევო ანაზღაურების გადახდის ვალდებულების დარღვევის შემთხვევაში წერილობით მოითხოვოს „მზღვეველისაგან“ პირგასამტეხლოს გადახდა გადასახდელი სადაზღვევო ანაზღაურების 0.20%-ის ოდენობით ყოველ ვადაგადაცილებულ დღეზე, რაც არ ათავისუფლებს „მზღვეველს“ ნაკისრი ძირითადი ფულადი ვალდებულების შესრულებისაგან; ამასთანავე პირგასამტეხლოს დარიცხვა/ათვლა დაიწყება შესაბამის წერილობით შეტყობინებაში მითითებული თარიღიდან;
- 5.4.3. პოლისის დაკარგვის ან განადგურების შემთხვევაში, მოსთხოვოს „მზღვეველს“ დაკარგული პოლისის უვარგისად გამოცხადება და პოლისის ხელახალი გაცემა.
6. ფორს-მაჟორი
- 6.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;
- 6.2. წინამდებარე ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან დაკავშირებული და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;
- 6.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.
7. სადაო საკითხების განხილვა
- 7.1. წინამდებარე ხელშეკრულებისათვის, მხარეთა მიერ ხელშეკრულების შესრულების ადგილად მიჩნეულია „მზღვეველის“ იურიდიული

*გ. ქაიხაძე*  
„დამზღვევი“

მისამართი;

7.2. ხელშეკრულების მოქმედების პერიოდში წამოჭრილი ყველა დავა და უთანხმოება გადაწყდება მხარეთა შორის მოლაპარაკების გზით. თუ მხარეები ვერ მიაღწევენ შეთანხმებას, საქმე განსახილველად გადაეცემა სასამართლოს და დავები გადაწყდება საქართველოს მოქმედი კანონმდებლობის შესაბამისად.

**8. მხარეთა ურთიერთობა**

8.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას;  
8.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, თუ ამ თარიღიდან რომელი უფრო გვიან დგება.

**9. დამატებითი პირობები**

- 9.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;
- 9.2. "დამზღვევი" წინამდებარე ხელშეკრულებაზე ხელმოწერით ადასტურებს რომ წინამდებარე ხელშეკრულება და "დაზღვევის პირობები" არ შეიცვან ბუნდოვან ან უჩვეულო დებულებებს და რომ იგი სრულად გაეცნო და მიიღო აღნიშნული პირობები. მხარეები წინამდებარე ხელშეკრულებაზე ხელმოწერით, აგრეთვე ადასტურებენ რომ აღნიშნული პირობებით გათვალისწინებულ დებულებებს გააჩნიათ მხარეთათვის სავალდებულო ძალა;
- 9.3. წინამდებარე ხელშეკრულების საფუძველზე გაცემული პოლისები და „დაზღვევის პირობები“ წარმოადგენს წინამდებარე ხელშეკრულების განუყოფელ ნაწილს;
- 9.4. "დამზღვევი" აცხადებს და ხელშეკრულებაზე ხელმოწერით, აგრეთვე ადასტურებს, რომ წინამდებარე ხელშეკრულება და "დაზღვევის პირობები" გამოხატავენ მის ნებას. მას მოპოვებული აქვს ხელშეკრულების დადებისათვის კანონმდებლობით და წინამდებარე ხელშეკრულებით გათვალისწინებული ყველა საჭირო თანხმობა და ნებართვა;
- 9.5. "დაზღვევის პირობებსა" და წინამდებარე ხელშეკრულებას შორის ნებისმიერი შეუსაბამობის გამოვლენის შემთხვევაში მხარეები უპირატესობას ანიჭებენ „დაზღვევის პირობებს“;
- 9.6. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ;
- 9.7. ხელშეკრულება დადებულია საქართველოს კანონმდებლობის შესაბამისად და ინტერპრეტებული იქნება საქართველოს კანონმდებლობის მიხედვით. ყველაფერ დანარჩენში, რაც არ არის გათვალისწინებული ხელშეკრულებით, მხარეები ხელმძღვანელობენ საქართველოს მოქმედი კანონმდებლობით. კანონმდებლობაში მომხდარი ცვლილებების შედეგად ხელშეკრულების რომელიმე პუნქტის მოქმედების შეწყვეტის შემთხვევაში ხელშეკრულების დანარჩენი პუნქტები ძალაში რჩება;
- 9.8. ხელშეკრულების ხელმოწერის შემდგომ ხელმოწერამდე არსებული ნებისმიერი სხვა სიტყვიერი ან წერილობითი შეთანხმება ხელშეკრულებით მოწესრიგებულ საკითხებთან დაკავშირებით ბათილია;
- 9.9. "მზღვეველი" არ არის პასუხისმგებელი ნებისმიერი სახის მომსახურების ხარჯების ანაზღაურებაზე, რომლებიც არ არის გათვალისწინებული წინამდებარე ხელშეკრულებით;
- 9.10. დამზღვევი აცხადებს, რომ როგორც თვითონ ასევე, კომპანიის ბენეფიციარი მესაკუთრე პირდაპირ და არაპირდაპირ არ მონაწილეობს რაიმე უკანონო და დანაშაულებრივ საქმიანობაში რომელიც ეწინააღმდეგება ნებისმიერი იურისდიქციის კანონმდებლობას, მათ შორის უკანონო შემოსავლების ლეგალიზაციაში, იარაღით ვაჭრობაში, ნარკოტიკებით ვაჭრობაში ან/და ტერორიზმში. მის მიერ გარიგების დადების მიზანი არ არის ტერორიზმის ან/და სხვა ნებისმიერი უკანონო საქმიანობის დაფინანსება; არცერთი მისი დამფუძნებელი თუ ბენეფიციარი მესაკუთრე, ასევე ის პირები ვის სასარგებლოდაც იდება გარიგება, შეტანილი არ არის ტერორისტთა ან ტერორიზმის ხელშეწყობ პირთა სიაში ან/და არანაირად დაკავშირებული არ არიან მათთან ასევე არ მონაწილეობენ არანაირ კანონსაწინააღმდეგო ქმედებაში;
- 9.11. წინამდებარე ხელშეკრულებაზე ხელმოწერით დამზღვევი უფლებამოსილებას ანიჭებს მზღვეველს მოიპოვოს მის შესახებ ნებისმიერი ინფორმაცია რომელსაც პირდაპირ თუ ირიბად შეიძლება კავშირი ჰქონდეს სადაზღვევო ურთიერთობასთან დაკავშირებულ მხარეთა ვალდებულებებთან, ნებისმიერი კერძო თუ საჯარო დაწესებულებიდან, მათ შორის საჯარო და სამოქალაქო რეესტრიდან და სამართალდამცავი ორგანოებიდანაც.
- 9.12. წინამდებარე ხელშეკრულებაზე ხელმოწერით დამზღვევი აცხადებს წინასწარ თანხმობას და შესაბამისად უფლებამოსილებას ანიჭებს მზღვეველს დაამუშავოს მისი ნებისმიერი პერსონალური მონაცემი, შეინახოს და გადასცეს კანონმდებლობით დადგენილი წესით სახელმწიფო ორგანიზაციებს.
- 9.13. ხელშეკრულება შედგენილია თანაბარი იურიდიული ძალის მქონე 2 (ორი) იდენტურ ეგზემპლარად, თითო ყოველი მხარისთვის.

**10. მხარეთა იურიდიული მისამართები და ხელმოწერები:**

|  |  |
|--|--|
| <p>"მზღვეველი"</p> <p>სს "სადაზღვევო კომპანია ჯიპიაი ჰოლდინგი"</p> <p>საიდენტიფიკაციო კოდი: 204426674</p> <p>მისამართი: კოსტავას # 67, თბილისი, საქართველო</p> | <p>"დამზღვევი"</p> <p>სსიპ.კ.კველიძის სახ.ხელნაწერთა ეროვნული ცენტრი</p> <p>საიდენტიფიკაციო კოდი: 211368474</p> <p>მისამართი: ქ.თბილისი საბურთალოს რაიონში გააღეჟსიძის 1/3</p> |
| <p>პაატა ლომაძე</p> <p>გენერალური დირექტორი</p> <p>ლევან ზუროშვილი</p> <p>ფინანსური დირექტორი</p>  | <p>ზაალ აბაშიძე</p> <p>დირექტორი</p>   |

Handwritten signature and stamp of the insurer.

**ავტომობილის დაზღვევის განაცხადი**

განმცხადებლის სრული დასახელება  
 APPLICANTS FULL NAME:

საიბრაჰიმო ჯანაშია

განმცხადებლის საიდენტიფიკაციო კოდი:  
 APPLICANTS IDENTIFICATION NUMBER:

2 1 1 3 6 8 4 7 4

| #  | მარკა და მოდელი | ტიპი      | გამოშ. წელი | დირებულება ლარში | გამოყენება | სადაზღვევო ტერიტორია |
|----|-----------------|-----------|-------------|------------------|------------|----------------------|
| 1  | შენი ქაბი       | პერსონალი | 2005        | 6000             | ადსხუკა    | სადაზღვევო ტერიტორია |
| 2  | შენი მანქანა    | პერსონალი | 2008        | 6000             | ადსხუკა    | სადაზღვევო ტერიტორია |
| 3  |                 |           |             |                  |            |                      |
| 4  |                 |           |             |                  |            |                      |
| 5  |                 |           |             |                  |            |                      |
| 6  |                 |           |             |                  |            |                      |
| 7  |                 |           |             |                  |            |                      |
| 8  |                 |           |             |                  |            |                      |
| 9  |                 |           |             |                  |            |                      |
| 10 |                 |           |             |                  |            |                      |
| 11 |                 |           |             |                  |            |                      |
| 12 |                 |           |             |                  |            |                      |
| 13 |                 |           |             |                  |            |                      |
| 14 |                 |           |             |                  |            |                      |
| 15 |                 |           |             |                  |            |                      |
| 16 |                 |           |             |                  |            |                      |
| 17 |                 |           |             |                  |            |                      |
| 18 |                 |           |             |                  |            |                      |

გპონიათ თუ არა რაიმე სახის ზარალი? თუ აი, მიუთითეთ შავი ფერით რაოდენობა, გადახდილი ზარალი

ზარალების რაოდენობა ბოლო 5 წლის მანძილ


ჯამური გადახდილი ზარალი ბოლო 5 წლის მანძილ

დამატებითი კომენტარები გამომწვევი მიზეზების შესახებ:

ხელმოწერით ვადასტურებ რომ ამ განაცხადში მოყვანილი ინფორმაცია არის სრული და ზუსტი. თანახმა ვარ რომ თუ ეს მომავალში აღმოჩნდა მცდარი, საჩივრებო სადასტო და სადაზღვევო კოლონიში არ იქნება ვალდებული ანაზღაურება შესაბამისი ზარალი. HEREBY I CERTIFY THAT INFORMATION PROVIDED ABOVE IS TRUE AND EXACT. SHOULD IT BE FROM MY SIDE DISTORTED OR MISREPRESENTED, I AM AWARE THAT NO BENEFIT WILL BE PAID BY GEORGIAN PENSION AND INSURANCE HOLDING.

თარიღი  
 DATE: 01.08.2016

განმცხადებლის ხელმოწერა  
 SIGNATURE OF APPLICANT


  
 [Handwritten Signature]